





歷代內侍考卷之十

晁集

神寶

神寶

神寶父思儼五代時為內侍宋初皇城使兄神興左領軍衛  
大將軍致仕神寶初為黃門太平興國中從征大原擢甲登城  
中流矢稍遷入內高品監并州戍兵屢出襲賊前後破砦三十  
六斬千餘級大獲鎧甲牛馬橐駝因築三砦詔褒之九年命與  
尹憲屯夏州時炭伽羅膩等十四族久叛神寶率兵大破之焚  
其廬帳斬千餘級虜獲甚眾雍熙中朝廷遣使綏宥麟府州募



邊部願攻契丹者賜以金帛神寶上言狼子野心由北或生邊  
隙乃止俄轉殿頭高品淳化中使河東閱視堡柵兵騎慕容德  
豐自邢臺徙廷州未至郡詔神寶乘傳權州事環州近邊內擾  
與陳德玄討之破牛家族二十八部且規度通遠入靈武路就  
命環慶同駐泊牛家族復結衆叛又破之殲餘黨於極泉鎮獲  
其渠帥九人西戎寇鄜以援之之勞遷供奉官與田紹斌部送  
靈州芻糧即命駐泊李繼遷入寇與慕容德豐襲破其堡若焚  
帳幕獲人畜數萬計連詔嘉獎遷內殿崇班至道初繼遷再寇  
靈武神寶遣人間道告急關下賊圍之歲餘地震二百餘日城

中糧糗皆竭潛遣人市糴河外宵運以入間出兵擊賊賊引去  
以功拜西京作坊副使又命于浦洛河清遠軍援芻糧與楊允  
恭議造小車三千運糧至環州三年遷西京左藏庫副使出使  
靈武還奏對稱旨面授供備庫使咸平中出為高陽關鈐轄徙  
貝冀巡檢會原州野狸族三千餘衆徙帳于順成谷大蟲堪與  
熟魏族接戰詔神寶和治之至則定其經界遣悉還舊地入為  
內侍右班副都知真宗朝陵留與劉承珪同掌太內事大中祥  
符初勾當三班院又掌諸王宮事遷西京左藏庫使領密州救  
史燕掌往來國信神寶莅職精恪性吝嗇畜貨鉅萬天禧初以



皇城使罷內職三年卒年七十一錄其子守志為入內供奉官  
論曰史稱宋待宦者甚嚴然自太平興國中神寶已與兵出  
鎮矣夫軍容神策前車非遠宋之初政明於鑒方鎮而闇於  
防內臣嚴於鸞閣童而忽於千軍旅創制立摹可謂無遺莫  
乎則童貫梁師成之禍母亦作法者貽之咎耳

王仁睿

李神福

李神祐

王仁睿不知何許人年十餘歲事太宗于晉邸服勤左右甚淳

謹及即位宣傳指揮頗稱旨歷入內小底都知洛苑副使命典

宮闈出納之命最居親近嘗與柴禹錫等發奏邸陰事雍熙四

年被疾遣太醫診視卒年四十一特贈內侍省內侍宋朝以來

內侍都知押班不領他職淳化至道後皆內殿崇班以上兼充

多至諸司使有領觀察使者沒皆有贈官官給葬事舊制內侍

人許養一子以克繼嗣開寶四年以其爭財起訟詔自今滿三

十無養父者始聽養子仍以其名上宣徽院違者準前詔抵死



咸平中徐志通為溫台等州巡檢坐取李歡男四人為假子又  
縱卒畧民家小兒致其母抱兒投海死決杖配掃灑班復申前  
詔以戒厲之

李神福開封人父繼美仕後唐為內侍顯德初為御厨都監時  
內臣止以服色為貴太祖特賜紫後至右領軍衛將軍神福少  
給事晉王府謹恪解上意未嘗少怠太宗即位授入內高品從  
征太原攻城之際往來梯衝間宣傳詔命即行在所遷殿頭太  
平興國六年擢入內高品押班遷副都知勾當翰林司轉入內  
內班都知兼勾當祇候內品班淳化四年遷崇儀副使勾當皇

城司屬初易黃門之號轉入內黃門都知俄加宮苑使太宗好  
筆札神福每侍側多獲別奉之賜及不豫神福朝夕左右躬視  
藥膳真宗即位遷皇城使內侍省入內內侍都知領恩州團練  
使勾當永熙陵行宮事時模寫太宗聖容以神福立侍未幾求罷  
都知加昭宣使勾當皇城司賜第宮城側遣脩內工為葺之咸  
平二年秋閱兵東郊以神福為大內都部署是冬幸大名與王  
繼英並為行宮使四年勾當三班部脩含光殿賜賚甚優景德  
初兼領親王諸宮使三年改宣政使遂謁諸陵復為行宮使進  
幸西京賜酺命神福主其事大中祥符初天書降夕神福與劉



承珪鄧永遷李神祐石知顯張景宗藍繼宗同直禁中賜以器幣繙錢京師黼會又令神福與白文肇間承翰同典之是歲封泰山與曹利困同經度行宮道路及車駕進發又為行宮使禮畢授宣慶使領昭州防禦使整肅禁衛先是諸司使止于宣政故特置使額以寵之三年卒年六十四歲贈潤州觀察使神福性恭愿和易每為衛紹欽所詬罵皆引避不校在禁闥五十年稱為長者然久掌三班無規制遠近失叙有請記者不能拒之人譏其所守子懷斌懷贊弟神祐

神祐初以父任授殿頭高品太祖將納孝章皇后命神祐奉聘禮于華州乾德五年征太原負御寶逆行開寶二年又送征太原時有詔緣邊和市軍儲車駕在潞州聞之且慮擾民令神祐馳驛止之時詔下已五日神祐一夕而及晉陽一日甲士既陣賊潛縱火焚梯衝亟命神祐部衛兵為援斬賊甚衆餘悉潰去王師伐廣州隨軍賞給劉鋹平先部帑藏之物赴京師及土寇周瓊等叛又副尹崇珂討平之六年隨曹彬南征克闕城擒偽將朱令贇命神祐馳入獻捷書賜錦袍金帶太宗即位遷南作坊副使錢俶歸朝命神祐往按府藏之積再征太原領工徒千人隨駕以備繕完甲兵劉繼元表納降款太宗陳像衛城北臺



以受之繼元移時未至神祐馳單騎入城俄頃引繼元至及北  
伐燕薊命與劉廷翰統精騎為大陣之援車駕還又令率兵屯  
定州以備契丹太平興國六年滑州治河防材常未具命神祐  
馳往垣曲伐薪蒸四百萬以濟其用七年契丹寇邊合領兵屯  
瀛州俄改崇儀使提點左右藏庫遷洛苑使至道初西鄙不寧  
命為靈環排陣都監率衆至烏白池而還俄駐永興復護糧運  
抵朔方真宗嗣位轉內園使邠州都監車駕北巡改天雄軍都  
監子城內巡檢時北兵充斥道途阻塞命神祐單騎諭密旨於  
諸將敵騎數百忽至神祐乃周麾而呼若召伏兵敵懼而逃遂

達其命俄充邢州排陣都監勾當西八作司景德初上幸澶州  
領隨駕壕砦三年遷入內都知浚東封還遷南作坊使時內侍將  
遷秩有扈浚升山不升山或不預浚祀者令神祐第其勤狀上  
親閱而叙遷之有范守遜皇甫文史崇貴張延訓等皆嘗有譴  
累而互陳勞劾且言神祐等品第非當泣訴于上止而浚來者  
數四守遜等先改內常侍上怒悉停其官神祐洎石知顯副都  
知張景宗監繼宗並坐削職尋掌御厨七年卒年六十六大中  
祥符六年錄其孫永和為三班奉職神祐性謹愿曉音律頗好  
篇詠子懷岳太宗時嘗請為道士浚復內侍多屯邊郡常持大



鐵鞭以闖賊屢中流矢至供奉官懷儼為內殿崇班神宗計人  
林論曰內侍侍左右供使令一謹愿足矣矣問材請裁王仁睿  
以李神福神祐內侍之以謹愿聞者也神福有犯無校在禁圍  
建五十年稱長者不虐耳神祐命隨軍頗著勞動而品第毫  
毫泛寔滿多口若仁睿發秦即陰事謹厚者亦為之邪服勤左  
歸右傳宣稱旨蓋點而慮出之者也巧於微寵矣

王繼恩

王繼恩陝州陝人周顯德中為內班高品初養於張氏名德鈞  
開寶中求復本宗太祖召見許之因賜名焉累為內侍行首會

討江南與竇神興等部禁兵及戰船抵宋石九年春改裏面內  
班小底都知賜金紫十月加武德使太祖崩副杜彥圭案行陵  
地尋克永昌陵使太平興國三年遷宮苑使久之領河州刺史  
掌軍器弓槍庫雍熙中王師克雲朔命繼恩率師屯易州又為  
天雄軍駐泊都監自岐溝關君子館敗績之後河朔諸路為契  
丹所擾城壘多圯四年詔繼恩與翟守素田仁朗郭延濟分路



按行增築之及遣將北伐又為排陣都監屯中山改皇城使端拱初領本州團練使又為鎮定高陽關兩路排陣鈐轄淳化初賜甲第一區五年加昭宣使勾當皇城司李順亂成都命為劔南兩川招安使率兵討之軍事委其制置不從中覆管內諸州繫囚非十惡正賊悉得以便宜決遣二月命馬步軍都軍頭王杲趣劔門崇儂使尹元由峽路分遣討賊並受繼恩節度詔前軍所至其賊黨敢抗王師者即須殺戮如本非同惡受制完徒先被脅從合能歸順者悉釋其罪四月繼恩由小劔門路入研石砦破賊斬首五百級逐北過青疆嶺

州進破賊五千于

柳池驛斬千六百級賊衆望風奔走殺戮溺死者不可勝計又克閬綿二州五月至成都破賊十萬餘斬首三萬級獲順及鎧甲僭偽服用甚衆朝議賞功中書欲除宣徽使太宗曰朕讀前代史書不欲令宦官預政事宣徽使執政之漸也止可授以他官宰相力言繼恩有大功非此任無足以為賞典上怒深責相臣命學士張洎錢若水議別立宣政使序位昭宣使上以授之進領順州路防禦使繼恩握重兵久留成都轉餉不給專以宴飲為務每出入前後奏音樂又令騎兵執博局棋枰自隨威振郡縣僕使輩用事恣橫縱所部剽掠子女金帛軍士亦無關志



餘賊逆伏山谷間州縣有復陷者太宗知之乃命入內押班衛紹欽同領其事又遣樞密直學士張鑑西京作坊使馮守規乘傳督其捕賊議分減師徒出蜀境以便糧運高品王文壽者隸繼思麾下繼思遣領虎翼卒二千分遂州路追討文壽御下嚴急士卒皆怨一夕卧帳中指揮使張嶸遣卒排闥入斬文壽首以出會夜昏黑嶸猶疑其非然炬照之曰是也時嘉州賊帥張餘有衆萬餘嶸即以所部與之合賊勢甚盛初奏之太宗欲盡誅軍人妻子近臣或請勿殺悉索營中書遣帥招撫諭以釋罪親屬皆全必自引來歸因可破賊上然之令巡檢程道符諭旨

亡卒斬嶸函首送繼思皆自拔來歸因使為鄉導擊賊悉平之至道二年春布衣韓拱辰詣闕上言繼思有平賊大功當秉機務今止得防禦使賞甚薄無以慰中外之望上大怒以拱辰惑衆杖脊黥面配崖州俄召繼思太宗崩命與李神福按行山陵加領桂州觀察使繼思初事太祖特承恩顧及崩夕太宗在南府繼思中夜馳詣府邸請太宗入太宗忠之自是寵遇莫比喜結黨邊名譽乘間或敢言薦外朝臣由是士大夫之輕薄好進者送之交往每以多寶院僧舍為期有潘閻者能詩詠賣藥京師繼思薦之召見賜進士第尋察其狂妄追還詔書及真宗初



繼思益豪橫頗欺罔漏泄機事與參知政事李昌齡緘題往來  
多請託至有連宮禁者素與胡旦善時將加恩密委其為褒辭  
又士人詩頌盈門上惡其朋結黜為右監門衛將軍均州安置  
籍沒貲產多得蜀土僭擬之物昌齡責忠武軍節度行軍司馬  
旦削籍長流尋州詔中外臣僚魯與繼思交識及通書尺者一  
切不問咸平二年卒於貶所遣使將其家屬還京師假官舍處  
之四年聽歸葬大中祥符三年特詔追復官爵以白金千兩賜  
其家子懷珪轉入內高班

論曰患得患失鄙夫恒情耳顧有以英明之主採取世之柄  
而不能謹釐笑公賞罰令鄙夫得伺隙而中之則亦英主之  
過也王繼思初事太祖特承恩顧及其大漸輒宵馳南府則  
已弁髦驚君而眈眈焉盱新主之豫以自鳴矣若太宗之崩  
吾君有子而敢結黨與熒母后欲援立久廢之楚王以為已  
功曩微大臣鎖閣則定策國老幾續亡唐而真宗之不為武  
功者幸耳嗚呼小人懷寵何所不至獨惜太宗之中於繼思  
而不悟也雖嘗切責宰相黜配拱辰而戎政聽其尚制繫囚  
委之尚決飲博盛音樂弗問也僕使恣橫弗問也繼所部剽  
掠弗問也交士夫薦朝紳弗問也張嶧叛潘閻狂孰轄之而



孰引之弗問也夫英明之主尚德其忠而餌其術而繼恩之  
術售之太祖而効售之太宗而又効得不欲更售之楚即  
釣竒也故夫馭世者必顯其此而可矣夫武功即王德昭

*[Faint bleed-through text from the reverse side of the page]*

劉承規 閻承翰 張崇貴 張繼能 衛紹欽

石知顯 石全彬 鄧守恩

劉承規字大方楚州山陽人父延謫內班都知承規建隆中補

高班太宗即位超拜北作坊副使時泉帥陳洪進歸朝遣承規

疾置封具府庫會土民嘯聚為寇承規與知州喬維岳率兵討

定之太平興國四年命與內衣庫使張紹勅等六人帥師屯定

州以備契丹又護滑州決河雍熙中勾當內藏庫兼皇城司出

為廊延路排陣都監改崇儀使遷洛苑使至道中與周瑩同簽

書提點樞密宣徽諸房公事仍加六宅使承規懇辭帝雖不許



而嘉其退讓真宗立瑩為宣徽使以承規領勝州刺史簽書宣徽院公事尋讓宣徽之務加莊宅使咸平三年遷北作坊使時邊境未寧議脩天雄軍城壘命承規乘傳經畫又命提舉內東崇政殿等諸門遷宮苑使上詢承規西事請益環州本波鎮戍兵以為諸路之援從之俄兼勾當群牧司景德二年與李允則使河間按視嘗經戰陣等處將卒之勞是歲置官提舉京師諸同庫務以承規領之承創局署多承規制改皇城使與林特李溥議更茶法四年三司上言新課增羨承規以勞加領昭州團練使大中祥符初議封泰山以掌發運使遷昭宣使長州防禦

使會脩玉清昭應宮以承規為副使祀汾陰復命督運議者以自京至河中由陸則山險具舟則湍悍承規決議水運凡百供應悉安流而達自朝陵東封及是皆留掌大內禮成當進秩表求休致手詔敦勉仍作七言詩賜之拜宣政使應州觀察使五年以疾求致仕脩宮使丁謂言承規領宮職藉其督轄望勿許所請第優賜告詔特置景福殿使名以寵之班在客省使上仍改新州觀察使上作歌以賜承規以兼使月廩歸於有司手詔褒美復定殿使奉以給之本名承珪以久疾羸瘵上為取道家易名度厄之篆改珪為規疾甚請解務還私第聽之仍許皇城



常務上印日內藏庫有勅制就取商度又再表求罷官檢校太  
傳左驍衛上將軍安遠軍節度觀察留後致仕七月卒年六十  
四廢朝贈左衛上將軍鎮江軍節度謚曰忠肅承規事三朝以  
精力聞樂較簿領孜孜無倦自掌內藏僅三十年檢察精密動  
著條式又製定權衡法語在律曆志性沉毅徇公深所倚信尤  
好伺察人多畏之上崇瑞命脩祠祀節宮觀承規悉預聞作玉  
清昭應宮尤為精麗屋室有少不中程雖金碧已具必毀而更造有  
司不敢計所費二聖殿塑配饗功臣特詔塑其像太宗之側承  
規遇事亦或寬恕鑄錢工常訴本監前後盜銅瘞地數千斤承

規佯為不納因密遣人竊取還官不問其罪咸平中朱昂杜鎬  
編次館閣書籍錢若水脩祖宗實錄其後脩冊府元龜國史及  
編著讐校之事承規悉典領之頗好儒學喜聚書間接文士質  
訪故實其有名於朝者多見禮待或密為延薦自寢疾惟以公  
家之務為念遺奏求免贈賻詔葬上甚嗟惜之遣內臣與鴻臚  
典喪親為祭文玉清昭應宮成加贈侍中遣內侍鄧守恩就墓  
告祭子逆愿為西染院使  
閻承翰真定人周顯德中為內侍入宋事太祖以謹愿稱太宗  
時擢為殿頭高品稍遷內侍供奉官內殿崇班先是八作司材



木頗有隱憂承翰建議於都城西置車材場治材以給之雍熙  
中知廣州徐休復奏轉運使王延範不軌狀遣承翰馳往同逮  
捕下獄就鞠之考掠過苦延範遂坐誅李順亂蜀命為川陝招  
安都監賊平授西京作坊副使會增募金吾兵以承翰及劉承  
蘊分充左右金吾都監兼街仗司事俄罷之真宗即位改西京  
作坊使內侍左班副都知咸平三年河決鄆州王陵婦遣承翰  
護塞時議徙鄆州以避河患又詔承翰與工部郎中陳若拙乘  
傳規度徙于舊治之東南五年入內都知韓守英為鎮定高陽  
關三路排陣都鈐轄上以其素無執守議別擇人因謂宰相曰

承翰雖無武勇然蒞事勤恪乃令代守英時中山兵甚衆艱  
於飛輓承翰請鑿渠計引唐河水自嘉山至定州三十二里又  
至蒲陰東六十二里合沙河經邊吳泊入界河以濟饋運亦可  
旁為方田上嘉而浚之渠成人以為便優詔褒之景德初契丹  
謀寇順安軍承翰奉詔發雄霸精兵與荆嗣張延同築壘禦之  
俄又遣詣德清軍規度重脩城壘車駕北征承翰先在澶州北  
城奏契丹兵在近請不度河上不聽但駕度浮橋二年加領廩  
州刺史勾當群牧司多條上馬政遂兼群牧副使時契丹結好  
始置國信司主交聘之事以承翰領之多所規置大中祥符初



改西京左藏庫使充夏州趙德明加恩官告使還請於蒲洛河  
置館以待夏臺進奉使上以荒蕪勞役不許四年遷內園使左  
班都知領獎州團練使有西京左藏庫副使趙守倫久典厩牧  
至是又掌估馬與承翰聯職任雜素為姻家然不相得遂各訟  
訴並付御史臺承翰坐擅用群牧司錢當贖金三十斤守倫坐  
違制移估馬司當免所居官典吏當杖脊詔寬其罰承翰贖金  
十斤守倫贖金二十斤典吏亦降笞杖群牧都監張繼能判官  
陳越田穀勾當驕驢院楊保用估馬楊繼凝皆釋之制置使陳  
克叟特免按問六年上製內侍箴賜之承翰表請刻石省中明

年建應天府為南京作鴻慶宮設太祖太宗像遣承翰自京奉  
往投南作坊使入內都知未幾卒年六十八贈懷州防禦使承  
翰性剛疆所至過於檢察之和懿之譽子文應西京左藏庫使  
張崇貴真定人太祖時為內中高品稍遷殿頭太平興國中以  
善射選為御帶錢徽納土命馳往閱城防儲侍之數親征太原  
送崔彥進李漢瓊先路視水草端拱初補內供奉官淳化四年  
命乘傳之延州招羗戎之內附者發庫錢犒給以金幣賜首領  
將行轉內班右班押班詔命管勾廊延屯兵李繼隆討李繼遷  
詔崇貴以延安兵犄角進討及擒趙保忠留崇貴與石霸守綏



州徙卒夏民以寔之繼遷扼橐駝路驅脅內屬戎人崇貴與田敏率熟倉族亂遇戰於雙堤殺二千餘級掠牛羊橐駝鎧甲甚衆連詔褒諭繼遷走漠中遣其將佐趙光祚張浦求納款會于石堡若崇貴稚牛醜酒犒諭之給以錦袍帶會改內班為黃門舍為黃門右班押班仍加內殿崇班又改黃門為內侍職隨易焉既而繼遷貢橐駝名馬待罪遣崇貴往賜器幣茶藥衣物至道元年進崇儀副使內侍右班副都知時繼遷復叛劫芻餽于浦洛河二年詔李繼隆大發師進討賊圍靈州急太宗將棄之廷議未決命崇貴與馮訥乘傳往議其事乃益兵固守訖命為

靈環慶州清遠軍路監軍又為排陣都監真宗立拜洛苑使右班都知管勾并州軍馬自至道沒五路討賊兵戰相繼卒無成功及是保吉復脩貢詔以定難節度授之命崇貴持詔命衣帶器幣以賜使還加六宅使咸平元年又命管勾廊廷屯兵洎延安改駐洎都監又為鈐轄其後繼遷復與熟戶李繼福為隙因緣內擾崇貴與張守恩擊之焚廬舍獲貨畜器甲生口甚衆又與王榮禦賊獲具裝馬數十匹再詔褒飭四年詔歸械領獎州刺史洎洎廊廷仍制置沿邊青白鹽事與衛超領軍入敵境焚廬舍帳幕獲廩糗牛羊復被詔獎崇貴屢訶契丹事傳遍以聞



願身當一隊為前鋒詔不允景德元年保吉死其子德明尚幼  
崇貴移書諭朝廷思信德明請俟釋服稟命詔書慰撫以向敏  
中為緣邊安撫使自是邊防事宜經制大小皆崇貴專主之築  
臺保安北十里許召戎人會議與之盟約二年春召赴關面授  
方畧許德明以定難節度而平王賜金帛緡錢各四萬茶二萬  
斤給內地節度奉聽回圖往來放青鹽禁凡五事而令德明納  
靈州土疆止居平夏遣子弟入宿衛送畧去官吏盡散蕃漢兵  
及盾口封境之上有侵擾者稟朝旨凡七事德明悉如約惟以  
子弟入質及納靈州為難故亦禁鹽如舊不許回圖三年九月

以德明誓表來上崇貴因請入朝許之以功拜皇城使內侍右  
右班都知領博州團練使又持旌節詰命授德明太常博士趙  
湘為之副四年使還會車駕上陵次瓊林苑崇貴對于苑中即  
命為行宮使是秋復還延安供奉官曹信時監邊軍信善琴崇  
貴與石普軍中宴集令信奏之信以久廢為辭崇貴與普因撫  
其他過以聞真宗知其誣奏不問大中祥符元年加昭宣使崇  
貴久在邊善識羌戎情偽西人畏服每德明有所論述及境上  
交侵皆先付裁制夏州趣邊有二路其文移至環慶者皆付延  
州議焉嘗請置緣邊安撫使如北面之制上曰西鄙別無經營



尚德明能守富貴無慮朝廷失恩信也增置署局徒為張皇不  
若委卿靜制之二年上言久去鄉里願得告歸葬父母許之錫  
與甚厚復命為都鈐轄提舉榷場崇貴乞留京師面諭委屬之  
意聽歲入奏事四年八月卒年五十七帝悼惜之贈豐州觀察  
使內侍護喪還京師子承素東梁院副使  
張繼能字守拙并州太原人父贊晉末為內班繼能建隆初以  
黃門侍禁中太子興國初為內品從征河東命主城南洞屋以  
勞遷高品契丹入寇命為高陽鎮定路先鋒都監從崔彥進戰  
長城口多所俘馘州年又與彥進敗契丹于唐興口轉殿頭高

品雍熙中夏州叛命李繼隆為銀夏都部署以繼能監軍俄從  
護定州屯兵領驍捷卒三千屯五回嶺端拱初遷入內殿頭從  
趙保忠討李繼遷保忠薦其有材命與保忠同經畧其事代還  
掌內弓箭庫淳化三年與白承睿護芻粟入靈武會繼遷復寇  
邊命繼能承睿與知靈州侯延廣領驍卒五千同主軍務俄留  
為本州都監及鄭文寶議城威州清遠軍繼能護其工役果命  
與西京作坊副使張延洲同知軍事又與田紹斌同掌積石砦  
就遷內供奉官靈環慶清遠軍排陣都監與西人轉鬪敗走之  
復還清遠詣關奏事還內殿崇班未幾拜供奉原副使復遣護



環州屯兵徙涇原僦渭都巡檢使真宗即位遷崇儀使靈環十  
州軍兵為都監兼巡檢安撫使咸平三年王均之亂命為川陝  
兩路招安巡檢使咸平留為利州招安巡檢尋召歸會銀夏  
寇警復為邠寧駐泊都監夏人寇清遠軍營于積石河繼能與  
楊瓊馮守規在慶州逗遛不時赴援致陷城堡又焚棄青岡砦  
特詔下御史府免死長流儋州景德二年會赦還為內侍省內  
常侍又為陝西捕賊巡檢獲千餘人改內殿崇班送朝陵為行  
宮四面巡檢四年宜州卒陳進為亂初知州劉永規取下嚴酷  
課澄海卒伐木葺州廨數不中程即杖之至有率妻孥趣山林

以采者雖甚風雨不停其役故進因眾怒殺永規及監軍國鈞  
擁判官盧成均為帥據其城七月奏至詔東山閣門使忠州刺  
史曾利用供備庫使賀州刺史張煦為廣南東西路安撫使如  
京副使張茂古及繼能副之虞部員外郎薛顏同勾當轉運事  
發荆湖蘄黃州兵討之上語近臣曰番禺寶貨雄富賊若募曉  
果立謀主沿流東下趣廣州則為患深矣遣內侍高品周文質  
使廣州監屯兵會隣路巡檢使控要路集東西海戰權扼端州  
峽口賊悉眾來攻柳城縣殿直韓明許貴郝惟和以所部兵千  
餘禦敵明貴死之惟和僅以身免成均奉涇州印遣使詣舒貴



求赦罪是夕進復陷柳城官軍退保象州賊又寇懷遠軍知軍  
殿直任吉與邕桂巡檢殿直張崇實侍禁張守榮擊走之賊退  
而復集者累日吉輩固守屢與鬪大獲其器甲又攻天河砦砦  
兵甚少監軍奉職錢吉部分嚴整一戰敗之賊衆屢斃頗潰去  
衆心携二將棄宜州以家屬之悼耄者五百人隕江中率其衆  
裁三千趣柳象將入容管初至柳州限江不能度知州王昱望  
賊遁走城遂陷朝廷以詔書四十分揭要路諭賊歸順者悉釋  
其罪賊孳族居思順州分兵攻象州利用舍入內高班于德潤  
以千兵倍道襲逐利用等繼至遇賊武僊縣之李練誦賊初不

知覺惟進率衆來拒直犯前軍前軍寄班侍班郭志言麾騎士  
左右縱擊賊衣順水甲執標牌以進飛矢攢鋒不能却前軍即  
持棹刀巨斧破其牌史崇貴登山大呼曰賊走矣急殺之賊心  
動衆遂潰遂北至象州城下賊若猶有據長竿瞰城中者成均  
始孳其族以詔書來降乃斬進并其黨生擒賊帥六十餘人斬  
首級獲器甲戰馬甚衆利用分兵捕餘寇遣于德潤馳奏其事  
授利用引進使煦如京使從古莊宅副使繼能供備庫使志言  
供備庫使又以御前忠佐馬步軍副都軍頭郭全豐為都軍頭  
領勤州刺史歸遠軍士手殺進者李昊劉宗趙敏並補本軍頭



張守榮為供奉官閤門祇候張崇實任吉立為供奉官錢吉為  
右侍禁又以知象州大理寺丞何邠最有勞優拜祠部員外郎  
賜緋又賜邠三子知道知古知常出身邠之親屬同扞寇者悉  
甄叙之升象州為防禦使初賊攻象州城在高丘上素無屏閉  
壘之日皆以乏水為慮賴天雨停水將竭而雨復下如是者兩  
月汲之以濟山中無蜂候每欲破賊即禱於城西神祠或見巨  
蟒吞龜是日果有克獲衆以為神靈助順之應張守榮俄病瘴  
遣尚醫馳往視之未至而卒贈如京使錄其子官十二月餘寇  
悉平東封留繼能為京舊城內巡檢鈐轄俄加東染院使大中

祥符二年入內都知李神福等坐事悉罷擢繼能入內內侍省  
副都知時宗室多召侍講說書上嘉其勤學令講誦日別給公  
膳專遣繼能主之俄又與內殿承制岑保正提點郡縣主諸院  
事三年兼群牧都監祀汾陰留掌大內兼舊城內巡檢鈐轄俄  
領會州刺史謁太清宮為天書扶持都監七年以疾求解職不  
許命為涇原懷渭鎮戎軍兩路鈐轄未幾徙廊延都鈐轄先是  
內屬戶殺漢口者止罰孳畜繼能則嚴於常法繇是西人畏而  
不敢犯德明雖受朝命而羗部不絕寇境繼能日課卒截竹為  
簽署字其上且言以備將士記殺獲功狀賊聞之甚懼歸朝復



涖群牧仁宗在儲宮嘗親書一幅賜之繼能以聞真宗亦為標  
題其末人以為榮九年坐前護脩莊穆皇后陵推陷左授西染  
院使掌往來國信天禧初復西京左藏庫使國信司吏陳誠者  
頗巧黠繼能欲復置群牧司而誠先隸群牧坐事停職至是群  
牧吏左宗挾其宿負白制置使曹利用故誠不遂所求繼能怒  
宗之沮已密遣親事卒偵宗會宗弟元喪妻宗嘗為假敷駿軍  
校馬送葬及還元抵飲肆與酒保相毆繫府中而假馬之事未  
發誠即白繼能請屬府中并劾其事知府樂黃自受屬獄未就  
為群牧副使楊崇勳所劾繼能坐罷內職降授西京作坊使出

為邠寧鈐轄繼能自陳不願外任得掌瑞聖園尋領往來國信  
所三年復為西京左藏庫使內侍右班副都知未幾遷崇儉使  
以衰老求解職轉內園使掌瓊林苑五年卒年六十五特贈汀  
州團練使錄其子懷忠為大理寺丞孫述為三班奉職述為借  
職春坊祗候繼能性沉密知兵頗勇敢喜讀書然好治生晚年  
急於聚畜眾以此少之何邠後歸朝知磁州而卒一子知崇裁  
十餘歲特補太廟齋郎又徙其任平夷尉知古為滏陽尉省郎  
無賞延之例猶以城守勞故甄叙焉  
衛紹欽開封人父漢超內侍高品紹欽始以中黃門給事晉即



太宗即位補入內高品甚被親倚從征太原命督諸將攻城劉繼元降命領驍卒先入城燒其營柵遷殿頭高品雍熙二年擢入內西頭供奉官淳化中部脩皇城功果授內侍押班五年加崇儀副使李順之亂王師致討與王繼恩同領招安捉賊事遇賊鬪學射山南又攻清水壩破雙流若招降數萬衆斬千餘級順死餘黨保險為寇又與楊瓊先扼要路以邀之擒斬萬餘人獲器甲槍槊千餘遣別將曹習領兵捕餘賊于安國鎮斬三百級時嘉眉二州賊尚擾城郭又遣內殿崇班宿翰討之兩川平召還沃被褒勞真宗嗣位拜宮苑使領愛州刺史充入內副都

知脩奉永熙都監既復土遂為陵使景德二年改皇城使范幸河朔命為車駕前後行宮四面都巡檢次澶淵命領扈駕兵守河橋三年加昭宣使朝諸陵復為行宮巡檢駐洛陽命為皇城內外都巡檢歷掌三班院皇城儀鸞翰林司卒年五十六紹欽苛愎少恩不為衆所附太平興國中江東有僧詣關請修天台壽昌寺且言寺成願仗身以報太宗允其請命紹欽往督營繕既訖役遍積薪於庭請僧如願僧言欲見至尊面謝紹欽曰昨朝辭日親奉德音不煩致謝僧恟怖偃蹇顧道俗望有救之者紹欽即促令躋薪上火既盛僧欲投下紹欽遣左右以叉柳接



而焚之予承慶至內殿承制  
石知顯真定人曾祖承渥梁尚食使祖守忠晉內供奉官父希  
釋高品知顯形貌甚偉建隆中授內中高品太宗即位改供奉  
官雍熙中諸將征幽薊以知顯隨軍歸掌儀鸞司淳化中明州  
初置市舶司與蕃商貿易命知顯往經制之轉內殿崇班親王  
諸宮都監從王繼恩平蜀寇就遷西京作坊副使咸平初遷正  
使帶御器械契丹犯邊上北巡命為天雄軍澶州巡檢使俄改  
德博等州緣河巡檢使兼安撫加領長州刺史三年戍鎮定高  
陽關三路押大陣是冬改高陽關駐泊行營鈐轄歸朝復掌親  
王諸宮事景德中自京抵泗遣徒治河堤命總其役初計工累  
月及是浹日而果上面加褒諭賜白金千兩授入內都知大中祥  
符初遷內園使俄以定內侍遷秩品第不當為其列所誣坐罷  
都知三年為并代州鈐轄遷莊宅使徙鎮定高陽關鈐轄四年  
命與內殿崇班張繼能供奉官侍其地同脩太祖神御殿上封  
求觀闕下復掌群牧司三班院親王諸宮事天禧二年為并代  
州鈐轄兼管勾麟府路軍馬事三年卒年六十九孫全彬  
全彬字長卿以知顯奏補入內小黃門黑遷西頭供奉官仁宗  
使致香幣于南海密詔察所過州縣吏治民俗還具以對帝以



為忠謹陝右群盜殺鳳州巡檢遣往擒滅之元昊叛全彬監鄜州兵救延州解圍去經略使明鎬言其勇畧善將得邊人情除并代州都監加內侍押班進鈴轄徙鄜延還為押班儂智高寇廣南以為湖南江西路安撫副使出桂林請于宣撫使狄青願獨當一隊以自效於是使將佐分兵力戰于邕州南方平領綿州防禦使張貴妃居寧華殿閣命全彬提舉妃薨治喪過制皆劉沆王洙與全彬共為之數月進宮范使利州觀察使給兩使留後奉俄為入內副都知知制誥劉敞封還詞命居三月復授之轉領信武軍留後為永昭陵鈴轄時去永定復土四十二年

有司多亡其籍全彬以心計辦治遷福延宮使提舉奉先院熙寧中卒年七十六贈太尉定武軍節度使謚曰恭僖

鄧守恩并州人十歲以黃門事太宗淳化中盜起成都遣王繼恩往討之至道初旣護西蜀屯兵咸平初為入內高班契丹入寇命石保吉為鎮定都部署以守恩為都監踰年入掌驥院會龍騎叛卒剽劫環慶遣守恩擒翦之景德初為澶濮都巡檢又使環慶及成瀘等州巡察邊事大中祥符初按獄于濮州雪冤人十餘預監脩玉清昭應宮會靈觀七年又兼脩真遊殿景靈宮黑遷入內高品供奉官宮成遷內殿承制八年預脩大內



改西京作坊副使九年營造皆畢授東染院使充會靈觀都監  
天禧二年掌軍頭引見司文脩祥源觀成遷崇儀使三年授入  
內押班河決滑州舍為脩河銓轄郊祀召為行宮使改如京使  
復還本任四年春河復故道遷文思院使歸朝加領昭州刺史  
是秋掌皇城國信二司整肅禁衛遷入內副都知會建天章閣  
命領其事又向當資善堂兼太子左右春坊司守思長七尺餘  
狀貌甚偉滌事幹敏以疆果稱于時五年卒年四十八贈淄州  
防禦使錄其子官官錄其子官論曰左右近習其才足以受知於主則必足以立威於外世

主不察而任之恭甚禍將有不可言者矣宋自太宗以來時  
取典兵覈獄察吏觀風之任委之閹人而其才譎亦每每足  
以集事然承翰名在五鬼紹欽苛慢少恩全彬用治喪故驟  
得美遷崇貴繼能直因私憾橫肆訐誣而知而不問出而聽  
其自陳刑賞不幾頓乎嗚呼秉讓徇公如劉承規猶以伺察  
使人畏其餘不足尤已所幸主皆英明故不大至決裂耳



信得見因與侍卒姚斌妄談神怪以誅之懷政大惑援能至御  
藥使領階州刺史俄於終南山脩道觀與劉益輩造符命託神言  
國家休咎否臧大臣及寇準鎮永興能為巡檢倚準舊望欲寔  
其事準好勝喜其附己多依違之朝臣屢言懷政之妄真宗舍  
忍不斥然漸踈遠之懷政憂懼時使小黃門自禁中出詐稱宣  
召入內東門坐別室久之而還以欺同類會準為相踰年而罷  
懷政愈畏獲譴不自安四年七月與弟禮賓副使懷信謀潛召  
客省使楊崇勳內殿承制楊懷吉閣門祗候楊懷玉會皇城司  
期以二十五日竊發殺丁謂等復相寇準奉真宗為太上皇傳



位太子前以崇勳懷吉詣丁謂第密告之謂即夜偕崇勳懷吉  
至曹利用第計謀翌日利用入奏真宗怒命收懷政令宣徽北  
院使曹瑋與崇勳於御藥院鞠訊具伏帝坐承明殿臨問懷政  
但祈哀而已會斬於城西普安寺父內殿承制紹忠及懷信並  
杖配澠州子姪勒停貨產沒官未能父左武衛將軍致仕諤  
母周氏罰銅百斤子守昱守吉分配邵蔡道州懷政僕使親沒  
並杖配海島遠州部下使臣貶秩有羌懷政之未敗也紹忠嘗  
詬之曰斫頭豎子終累我懷信謂之曰免前事必敗宜早詣上  
首寔度獲輕典及其謀亂又泣拜止之不聽故皆得免死石街

僧錄澄遠以預聞妖詐決杖黥配柳州內供奉官譚元吉高品  
王德信高班胡允則黃門楊允文與懷政協同妖妄皆杖配遠  
州入內押班鄭志誠與能書問往還削兩任配房州入內供奉  
官石承慶嘗為懷政所召夜二鼓不下皇城門鑰以待黃門黃  
守忠見之戒門卒勿納至是言其事承慶坐削兩任配宿州楊  
懷玉次日始詣樞密院自陳責授侍禁杭州都監擢崇勳內客  
省使桂州觀察使懷吉如京使賜以金帶金銀懷政既誅亟遣  
入內供奉官盧守明鄧文慶馳驛永興捕朱能劉益李貴康王  
唐信道士王先張用和悉免死配遠州能領知使者至襄甲出



殺守明以叛詔遣內殿承制江德明入內供奉官于德潤發兵  
捕之能入桑林自縊死永興乾耀都巡檢供奉官李興本軍十  
將張順斷能及其子首以獻補興閣門祗候順字城都頭以劉  
益等十一人黨能害中使磔于市王先李貴唐信張用和八人  
皆處斬能母妻子弟皆決杖配隸閤門祗候穆介知永興軍府  
朱翼轉運使梅詢劉楚知鳳翔府臧奎等坐與懷政能交結相  
稱薦皆論罪降寇準太常卿再貶道州凡朝士及永興鳳翔官  
吏與準厚善者悉降黜焉

論曰周懷政鄙夫耳起亂屍間獲侍宮禁幸矣及怙權寵遂

不勝患失而欲廢置君相以快其不肖之心卒蒙大僂夫非  
其自掇者邪嗚呼人望如寇平仲而幾為懷政所誤陷於不  
測鄙夫可與事君也與哉



楊守珍

楊守珍字仲寶開封祥符人為入內黃門習書史學兵家方略  
善射家僮過堂下一發貫髻人服其精選為環慶路走馬承受  
公事契丹謀入塞為鎮定高陽關行營同押先鋒事會許民周  
繼宗為人誣告與外夷交通干證者六十人辭服遣守珍覆問  
悉辯理出之徙真定保趙等州駐泊都監邕桂等十州安撫都  
監沒曾克明降撫水州蠻築二柵以扼其要天禧初擒盜於青  
灰山累遷西京作坊使帶御器械永興軍兵馬鈐轄徙真定邠  
寧路為內侍省內侍押班提點內弓箭軍器庫進內園使右班



都知領端州刺史嘗侍仁宗苑中命乘馬馳射賞其便習賜錦袍危酒卒贈原州防禦使  
論曰書稱罪疑惟輕夫疑且輕之而况明知其誣者乎顧交  
通外夷重典也周繼宗之獄證者既繁有徒而辭亦具服矣  
楊守珍雅好方畧稍有窺邊落釁之思或懼失出之罰繼宗  
寧得免焉而毅然出之隱若守珍者豈獨庸中佼佼已邪

歷代內侍考卷之十一

秦翰字仲文真定獲鹿人十三為黃門開寶中遷高品太子興  
國四年崔彥進領眾數萬擊契丹翰為都監以善戰聞太宗因

加賞異謂可屬任雍熙中出為瀘州駐泊仍管先鋒事遷入內  
殿頭高品鎮定高陽關三路排陣都監淳化四年補入內押班

趙保忠叛命李繼隆率師問罪翰監護其軍次延州翰慮保忠  
遁逸即乘驛先往矯詔安撫以緩其陰計王師至翰又諷保忠



以地主之禮郊迎因並驅而出保忠遂執擒以功加崇儀副使  
至道初為靈環慶州清遠軍四路都監真宗即位加洛苑使入  
內副都知咸平中河朔用兵以為鎮定高陽關排陣都監敗契  
丹于莫州東追斬數萬盡奪所掠老幼詔褒之徙定州行營鈐  
轄王均之亂為川陝招安巡檢使時上官正與石晉不協翰恐  
生事為曉譬和解之親督衆擊賊中流矢不却五戰五捷遂克  
益州上手札勞問翼日進至廣都斬首千餘級獲馬數千匹歸  
朝遷內園使領恩州刺史出為鎮定高陽關前陣鈐轄又徙浚  
陣破契丹二萬衆于威虜軍西俘其鐵林大將等十五人又為

邠寧涇原路鈐轄兼安撫都監率所部按行山外召戎落酋帥  
諭以恩信凡三千餘帳相率內附未幾康奴族拒命翰與陳興  
許均深入擊之斬級數千焚其廬帳獲牛馬甚衆復與陳興曹  
瑋襲殺董埋軍主于武延鹹泊川詔書加獎賜錦袍金帶白金  
五百兩帛五百疋景德初車駕將北巡先遣翰乘傳往澶魏裁  
制兵要許便宜送事俄克邢洛路鈐轄與大軍會德清軍張椅  
角之勢又召為駕前西面排陣鈐轄管勾大陣翰即督衆環城  
浚溝洫以拒契丹功果契丹兵果暴至翰不脫甲胄七十餘日  
契丹乞和凱旋留泊澶州月餘令率所部兵還京師加宮苑使



入內都知出為涇原僕渭鈐轄先是西鄙無藩籬之蔽翰規度  
要害鑿巨塹計五三十萬役卒數年而成不煩於民就遷皇城  
使入內都知以翰在邊久宣力勤畫特置是名以寵異焉翰表  
讓不聽大中祥符初求從東封手詔諭以西垂委任之意改昭  
宣使又為群牧副使祀汾陰是歲夏州屬戶有擾境上者即日  
遣翰往雕上按視遍巡邊部及翰至事寧復還扈從凡行在諸  
司細務悉令裁決不須中覆禮果加領平州團練使奉祀亳州  
掌如汾陰八年營葺大內詔翰參領其事閏六月暴卒於內庭  
之廨年六十四上甚悼惜為之泣下贈貝州觀察使賻襚加等

脩內果詔遣使以襲衣金帶賜其家翰個儻有武力以方畧自  
任前後戰鬪身被四十九創李繼遷之未賓也翰因使常出入  
其帳中無疑問嘗白太宗言臣一內官不足惜願手刺此賊死  
無所恨太宗深嘉其忠翰性溫良謙謹接人以誠信群帥有剛狠  
不和者翰皆得其懽心輕財好施與將士同休戚能得衆心皆  
樂為用其歿也禁旅有泣下者九年重贈彰國軍節度詔楊億  
撰碑文億以其不蓄財表辭所贄物雖朝廷不許而時論美之  
子懷志內殿崇班曾右都承旨一都承旨也四承旨也四承旨也  
論曰宋沿唐制率以內侍監軍督戰其以勇畧自雄者時亦



有之若夫和輯群帥恩結衆心而家不蓄財則惟秦翰獨爾  
子翰其內侍中之曾武穆哉一時將士生而樂為之用歿而泣

陛下此受以知翰已極未備而翰以此服膺莫不稱頌翰美之  
其然則其如少禁於直不許其手重歸還國軍情更結翰  
不既其備習教其計以神相送或與諸士同看其相我策之首

燕西知本宗親意其出能却以身繫結入以爲計得相首出  
其與中無異問言曰本宗言對大山前不與翰同來陣地知  
其前此難問其難曰大山前不與翰同來陣地知  
翰前此難問其難曰大山前不與翰同來陣地知

周懷政

并州人父紹忠以黃門事太宗從征河東得懷政于亂

屍間養為子給事禁中累至入內高品太宗祥符初真宗東封

命脩行宮頓迎及奉泰山天書馳驛赴關轉殿頭天書每出宮

與皇甫繼明並為夾侍東封禮成與內殿崇班康宗元留泰山

脩園臺轉入內西頭供奉官祀汾陰轉東頭六年劉承規卒擢

內殿崇班入內押班勾當皇城司會朝謁太清宮與閻承翰等

同管勾大內事七年奉天書摹刻于乾元殿為刻玉都監又為

脩院州景靈宮太極觀都監俄遷內殿承制是冬命起居舍人



知制誥盛度為會真宮醮告使懷改為都監還為王清昭應宮  
都監兼掌景靈宮會靈觀使刻玉成遷如京副使九年建資善  
堂以懷改為都監壽丘宮觀成優賜襲衣金帶遷崇儀使天禧  
大禮又為脩奉寶冊都監加領長州刺史是冬遷洛苑使二年  
春遷左藏庫使仁宗為皇太子命為入內副都知管勾左右春  
坊轉右驥驥使三年領英州團練使加昭宣使懷政日侍內廷  
權任尤盛於是附會者頗眾往往言事獲沒同列位望居右者  
必排抑之中外帑庫皆得專取因多入其家性識凡近酷信妖  
妄有未能者本單州團練使田敏廝養為人凶狡遂賂懷政親

韓守英

劉惟簡

盧守愨

李祥

韓守英字德華開封祥符人初為入內高品後征河東數奉詔

至石嶺關督戰取隆州遷殿頭久之以西頭供奉官擢入內內  
侍押班遷副都知隨王繼恩招安西川為先鋒戰于劔門有功  
遷西京作坊使劔門都監還勾當三班院進入內內侍都知歷  
定州鎮定高陽關并代路兵馬鈐轄契丹圍岢嵐軍守英與鈐  
轄張志言知府州折惟昌帥部渡河抵朔州以牽賊勢遂破  
狼末砮俘數百人獲馬牛羊鎧甲以數萬計賊為解去賜錦袍  
金帶俄領會州刺史解都知再遷昭宣使復領三班出為廊延



路都鈐轄徙兵代路建言本路宿兵多百姓困於飛輓今幸邊鄙無事請留騎軍千餘人悉徙內地真宗曰邊臣能體朝廷恤民之意宜詔諸路視此行之提舉在京諸司庫務勾當皇城司為趙德明官告使歷宣政宣慶二使內侍左班都知領獎州團練使雅州防禦使內都知管勾脩國史書成進景福殿使又為延福宮使內都知漫提舉諸司庫務卒贈定國軍節度觀察留後國管庫使內都知高班王則反奉命宣慰還言小梁漫吉字君祐開封人補入內高班王則反奉命宣慰還言小寇無多慮諸將之兵足以翦除若得重臣統其事不崇朝可平

矣於是仁宗以文彥博為安撫招討使賊平又奏請分河北為路每路以一帥府統之遂建魏鎮定瀛四帥熙寧初為邠寧環慶路駐泊兵馬鈐轄夏人寇大順城圍慶州七砦漫吉率兵八百餘人與戰獲其首領又討平寧州叛卒以功升都鈐轄累官皇城使漫高遵禧至寧武督士卒攻城身被創甚進入內押班遷永州團練使為副都知元祐中卒贈成德軍節度使謚曰敏恪

劉惟簡開封人由入內黃門積官至昭宣使康州刺史高陽關路兵馬都監為入內押班英宗初立惟簡自河北來朝請對寢



門內謁者難之獨引見皇太后惟簡立福寧殿下雨沾衣不退  
帝起坐幃中望見呼問曰諸路如汝者幾人何以獨來對曰陛  
下新即位臣來自邊塞未瞻天表不敢輒還不知其他帝歎曰  
小臣知所守如此識其姓名屏間他日神宗覽所題屏擢幹當  
延福宮自是蒙親信交人叛詔馳驛至桂州審視事勢還言帥  
臣劉彞貪功生事罪當誅乾德狂童頭不足繫帝信之郭達趙  
高南征以為行營承受達高被謫惟簡亦奪一官陝西五路師  
還受命撫犒士卒以疾先還者不賜惟簡心知其不便至慶州  
疏言士卒不幸以將臣上違聖畧糧食不繼逃生以歸其情可

貸今同立庭中而不預賜恐患生倉卒帝用其言均予之又使  
按閱河北保甲振濟京西水災參定諸陵薦獻既而為言者所  
劾擯不用哲宗在藩時惟簡奔奏服勤及親政召至左右以內  
侍押班卒贈昭化軍留後

盧守勲字君錫開封祥符人自入內內品累遷禮賓使邠寧環  
慶路鈐轄還為入內內侍省押班領昌州刺史明道中改奕章  
懿太后而舊藏有水以守勲嘗典奕事罷為永興軍兵馬鈐轄  
徙廊延路再遷六宅使加貴州團練使進榮州防禦使兼邠寧  
環慶路安撫都監元昊寇保安軍守勲率兵擊走之特遷右驍



驥使移陝西鈐轄初劉平石元孫被執守懃撫膺涕泣不敢出  
又嘗易蕃官馬延州通判計用章勸范雍棄城將保鄜州雍欲  
遣安撫都監李康伯往說賊不肯行賊去而守懃用章更相論  
奏知制誥葉清臣以守懃擁兵觀望請正其罪并按二人守懃  
奪防禦使為湖北都監用章除籍配雷州本城康伯均州都監  
久之復息州防禦使遷利州觀察使歷真定府定州北京路鈐  
轄以左衛大將軍致仕卒贈保順軍節度使謚安恪養子昭序

李祥開封人為入內黃門資驍銳善騎射用材武中選授涇原

儀渭同巡檢從景思立于河湟以功遷內殿崇班為河州駐泊  
兵馬都監從郭達討交趾駐富民江賊兵大至與涇原將姚兕  
力戰敗之遷皇城使鎮戎軍沿邊都巡檢使從劉昌祚征靈武  
議功加沂州團練使或言所部兵死亡多降簡州刺史權熙河  
蘭會路都監總岷州兵夏人攻蘭州祥赴援保險待變數日虜  
徹圖去復團練使進階州防禦使從种誼襲鬼章有功升兵馬  
都鈐轄在熙河二十餘年以宣慶使內侍押班卒  
論曰宋內侍典兵者若韓守英之恤民梁從吉之料賊皆不  
負任使者也李祥雖有死亡之過而時時奏功亦足相準盧



守懃蓄縮觀望僅奪防禦使而旋即復之且獲贈謚賞不幾  
於濫乎劉惟簡當新主踐祚來自遠塞而內謁者顧獨引見  
禮太后則兩宮交構有自來矣然惟簡雨中之立意在微示左  
宗祖令帝知之以微後福耳豈真能知所守者哉觀其後服勤  
備藩即受知哲宗則其術固已結三朝矣

藍繼宗字承祖廣州南海人

事劉鋹為宦者歸朝年十二遷為

中黃門從征太原傳詔營陳間多稱旨秦州並邊有大小洛門

砦自唐末陷西羌雍熙中温仲舒諭酋豪使獻其地徙眾渭北

言者以為生事請罷仲舒太宗遣繼宗往按視還奏二砦據要

害產良木不可棄帝悅復使繼宗勞賜仲舒累遷西京作坊副

使向當內東門元德太后章穆皇后葬為按行園陵使車駕北

征向當留司皇城司車駕謁諸陵近陵舊之水繼宗疏泉陵下

百司從官皆取以濟擢入內副都知為天書扶侍都監詔與李



神祐第東封扈從內臣之勞而入內供奉官范守遜等訴其不公罷都知祀汾睢復為天書扶持都監再遷東染院使明年領惠州刺史進崇儀使勾當皇城司脩玉清昭應宮與劉承珪典工作宮成遷洛苑使高州團練使充都監坐章穆皇后陵隧墜敗如京使典脩景靈宮進南作坊使復脩會靈祥源觀車駕幸亳州管勾留司大內公事提舉在京諸司庫務勾當三班院脩國史院為趙德明加恩使德明與繼宗射繼宗每鏃必中德明遺以所乘名馬為內侍省右班都知遷入內都知仁宗即位遷左驥驥使忠州防禦使永定陵脩奉鈴轄歷昭宣宣政宣慶使累

上章求致仕特免入朝拜舞及沒行幸頃之沒固請罷都知以景福殿使邕州觀察使家居養疾卒贈安德軍節度使謚僖靖繼宗事四朝謙謹自持每領職未久輒請罷家有園池退朝即亟歸同列或留之繼宗曰我欲歸種花卉弄游魚為樂爾景福殿置使自大中祥符間至繼宗授者纔三人養子元用元震元用終左藏庫使梓州觀察使元震以兄蔭補入內黃門轉高班給事明肅太后禁中夜太后擁仁宗登西華門左右未集元震獨傳呼宿衛以功遷高品為三陵都監條列防守法其後諸陵以為式歷群牧都監監三館祕閣積官皇城使累遷入內副都



知忠州防禦使仙韶院火元震救護火以時息詔褒之賜襪衣  
金帶卒贈鎮海軍留後元震養子五人不高閭子  
張惟吉字祐之開封人初補入內黃門遷殿頭高陽關路走馬  
承受公事護塞滑州天臺埽役遷西頭供奉官監在京權貨務  
知嘉州張約以賊敗詔與御史王軫往劾其獄還領內東門司  
為脩奉章獻章懿太后二陵承受時議復用李諮權茶筭繕法  
乃以惟吉為內殿崇班復監權貨務凡內侍領內東門次遷勾  
當御藥院而惟吉緣進官衆以為薄惟吉欣然就職再尋以羨  
餘遷承制為趙元昊官告使還言元昊驕僭勢必叛請預飭邊  
備及元昊寇延州遣按視延廊環慶兩路器甲并訪攻守利害  
敵既退夏竦韓琦謀自廊延深入乘虛擊之命惟吉募并汾驍勇  
副以土兵輕齎赴河外惟吉以為我師當持重向變不宜馳赴  
不測以自困已而元昊果引去還奏稱肯領皇城司遷內侍省  
押班群牧都監簡陝西冗兵領軍頭引見司遷供備庫使盡汰  
軍頭司軍校之罷廢者同提舉在京諸司庫務領恩州刺史為  
入內都知商湖決為澶州脩河都鈐轄轉運使施昌言請亟塞  
崔嶧以為歲灾民困役宜緩命惟吉按視言河可塞而民誠困  
財用不足宜少待之遂其議遷如京使果州團練使復領皇城



同率惟吉任事久頗見親信而言弗阿徇張貴妃薨將治喪皇儀殿諸宦官皆以為可獨惟吉曰此事干典禮須翌日問宰相既而宰相不能執議惟吉淡以為非贈昭信軍節度觀察留後逾月又贈保順軍節度使謚忠安養子若水字益之以惟吉奏補小黃門給事章惠太后殿轉入內高品正師卒貝州征儂賊皆以幹敏選為走馬承受賊卒以勞進官三遷環慶路鈐轄討環州解也印族復有功歷帶御器械內侍押班副都知熙寧初造神臂弓成神宗御延和殿臨閱置鐵甲七十步俾衛士射未有中者若水自請射連中徹札建慶壽寶慈兩宮典領工作再

遷嘉州防禦使以病斬解職領輝州觀察使提舉四園苑諸司庫務卒贈天平軍留後其昭吉字祐之開封人初以內侍殿頭為英韶州巡檢捕盜有功再遷內殿崇班京東路都巡檢齊州武衛小校馮坦率營卒二百突入州廳事欲為變昭吉單騎馳往戒所從將士操兵在外先獨見亂卒諭以禍福令推首惡自贖眾疑沮不敢動已而操兵者皆入即共執十餘人告曰此誘我者也昭吉立殺之縱其餘去州以無事特遷供備庫副使帶御器械後內侍省押班關仁宗記前功特以授之遷入內副都知英宗即位之夕昭吉



直禁中翊衛有勞自文思副使超遷供備庫使康州刺史昭吉  
奏曰臣本孤微無左右之舉而先帝知臣朴直自小官拔用至  
此分當沒葬今願得洒掃陵寢足矣帝愛其忠特授永昭陵使  
加如涼使還朝表辭職以左龍武軍大將軍致仕卒昭吉敦寔  
慎密人士稱之

李舜舉字公輔開封人世為內侍曾祖神福事太宗以信謹終  
始舜舉少補黃門仁宗使督工治金為器既成有羨數舜上之  
帝嘉其不欺出為秦鳳路走馬承受英宗立奏事京師會帝不  
豫內謁者止之宮門舜舉曰天子新即位使者從邊方來不得

一見而去何以慰遠人謁者以聞亟召對帝意良悅因言承受  
公事以察守將不法為職而終更論最乃使帥臣保任乞免之  
遂刪舊制熙寧中歷幹當內東門御藥院講筵閣實錄院郭達  
討交州以為廣西幹當公事軍中之政得與講畫或疾置入朝  
稟受成美會達貶亦降左藏庫副使以文思院使領文州刺史  
帶御器械進內侍押班制置涇原軍馬五路師出無功議再舉  
李憲督饋糧言受密詔自都轉運使以下之軍興者皆聽斬民  
懲前日之役多死於凍餒皆憚行出錢百緡不能雇一夫相聚  
立柵山澤不受調吏往逼呼輒毆擊解州至械縣令以督之不



能集舜舉入奏其事乃罷兵退詣中書王珪迎勞之曰朝廷以  
邊事屬押班及李留後無西顧之憂矣舜舉曰回廊多壘此卿  
大夫之辱相公當國而以邊事屬上內臣可乎內臣止宜供禁  
庭灑掃之職豈可當將帥之任聞者代珪慚焉轉嘉州團練使  
沈括城永樂遣舜舉計議被圍急斷衣襟作奏白臣死無所恨  
願朝廷勿輕此賊尋以死聞贈昭信軍節度使謚曰忠敏舜舉  
資性安重與人言未嘗及宮省事頗覽書傳能文辭筆札在御  
藥院十四年神宗嘗書李舜舉公忠奉上恭勤檢身始終惟一  
以安以榮十九字賜之

論曰自世味之中人也士雖高明者時猶染指重名節而輕  
爵祿代不數人矣况閹官日侍禁闈耳目之所睹聞靡非富  
貴容也謂宜濡染不能自拔而繼宗屢辭權任託興園池惟  
吉欣然薄遷昭吉願奉陵寢皆庶幾知止足之義矣至如殿  
廷治貴妃喪獨惟吉一人以為不可則時宰謝其風烈焉李  
舜舉夙夜奉公死而後已亦左璫之蹇蹇者哉跡其面折王  
珪意彼胷中必不以將帥為榮矣獨惜其愛一通天之犀幾  
沮裕陵仁民之雅惠耳



... 賜... 詔... 命... 憲... 往... 視... 師... 與... 韶... 進... 收... 河... 州... 加... 東... 染... 院... 使... 幹... 當... 御... 藥... 院... 復... 戰... 牛... 精... 谷... 拔... 珂... 諾... 城... 為... 熙... 河... 經... 畧... 安... 撫... 司... 幹... 當... 公... 事... 按... 視... 廊... 延... 軍... 制... 行... 至... 蒲... 中... 會... 木... 征... 合... 董... 瓊... 鬼... 章... 之... 兵... 攻... 破... 踏... 白... 城... 殺... 景... 思... 立... 圖... 河... 州... 詔... 趣... 赴... 之... 憲... 馳... 至... 軍... 先... 是... 朝... 廷... 出... 黃... 旗... 書... 赦... 諭... 將... 士... 如... 用... 命... 破... 賊... 者... 倍... 賞... 於... 是... 憲... 晨... 起... 帳... 中... 張... 以... 示... 衆... 曰... 此... 旗... 天... 子... 所... 賜... 也... 視... 此... 以... 戰... 帝... 寔... 臨... 之... 士... 爭... 呼... 用... 命... 以... 進...

... 李... 憲... 字... 子... 範... 開... 封... 祥... 符... 人... 皇... 祐... 中... 補... 入... 內... 黃... 門... 稍... 遷... 供... 奉... 官... 神... 宗... 即... 位... 歷... 永... 興... 太... 原... 府... 路... 走... 馬... 承... 受... 數... 論... 邊... 事... 合... 旨... 幹... 當... 後... 苑... 王... 韶... 上... 書... 請... 復... 河... 湟... 命... 憲... 往... 視... 師... 與... 韶... 進... 收... 河... 州... 加... 東... 染... 院... 使... 幹... 當... 御... 藥... 院... 復... 戰... 牛... 精... 谷... 拔... 珂... 諾... 城... 為... 熙... 河... 經... 畧... 安... 撫... 司... 幹... 當... 公... 事... 按... 視... 廊... 延... 軍... 制... 行... 至... 蒲... 中... 會... 木... 征... 合... 董... 瓊... 鬼... 章... 之... 兵... 攻... 破... 踏... 白... 城... 殺... 景... 思... 立... 圖... 河... 州... 詔... 趣... 赴... 之... 憲... 馳... 至... 軍... 先... 是... 朝... 廷... 出... 黃... 旗... 書... 赦... 諭... 將... 士... 如... 用... 命... 破... 賊... 者... 倍... 賞... 於... 是... 憲... 晨... 起... 帳... 中... 張... 以... 示... 衆... 曰... 此... 旗... 天... 子... 所... 賜... 也... 視... 此... 以... 戰... 帝... 寔... 臨... 之... 士... 爭... 呼... 用... 命... 以... 進...



督諸將傍山焚族帳即日通路至河州賊餘衆保踏白官軍出  
與戰大破之進至餘州又破賊堡十餘木征率酋長八十餘人  
詣軍門降捷聞以功加昭宣使嘉州防禦使還為入內侍省  
押班幹當皇城司安南叛副趙高招討未行高建言朝廷置招  
討副使軍事須共議至鄯制號令即宜歸一憲銜之由是屢紛  
辨遂罷憲而令乘驛計議秦鳳熙河邊事諸將皆聽鄯度於是  
御史中丞鄧潤甫御史周尹蔡承禧彭汝礪極論其不可又言  
鬼章之患小用憲之患大憲功不成其禍小有成功其禍大章  
再上弗聽冷雞樸誘山後生羌擾邊木征請自効衆以為不可

憲曰何傷乎羌人天性畏服貴種聽之往木征盛裝以出衆尊  
視皆無鬪志師乘之殺獲萬計斬冷雞朴董氈懼即遣使奉贄  
効順加宣州觀察使宣政使入內副都知又遷宣慶使時用兵  
連年度支調度不繼詔憲兼經制財用裁冗費什六歲運西山  
巨木給京師營繕賜瑞應坊園宅一區元豐中五路出師討夏  
國憲領熙秦軍至西市新城復蘭州城之請建為帥府帝又詔  
憲領兵直趣興靈董氈亦稱欲往宜乘機協力入掃巢穴若興  
靈道阻即過河取涼州乃總兵東上平夏人于高川石峽進至  
屈吳山營打囉城趨天都燒南牟府庫次葫蘆河而還憲既不



能至靈州董遵亦失期師無功憲故以開蘭會邀功弭責同知  
樞密院孫固曰兵法期而後至者斬况諸路皆至而憲獨不行  
不可赦帝以憲猶有功但令詰擅還之由憲以餽餉不接為辭  
釋弗誅復上再舉之策兼陳進築五利且從之會李舜舉入奏  
具陳師老民困狀乃罷兵趣憲赴關道賜銀帛四千為涇原經  
略安撫制置使給衛三百進景福殿使武信軍留後使復還熙  
河仍兼秦鳳軍馬夏人入蘭州破西關降宣慶使憲以蘭州乃  
西人必爭地衆數至河外而相年不進意必大舉乃增城守整  
壁樓櫓具備明年冬夏人果大入圍蘭州步騎號八十萬衆十

日不克糧盡引去又詔憲遣間諭阿里骨結等且選騎度河與  
賊遇破之坐安奏功狀罷內省職事哲宗立改永興軍路副都  
總管提舉崇福宮御史中丞劉摯論憲貪功生事一出欺妄避  
興靈會師之期頓兵以城蘭州遺患至今永樂之圖逗遛不急  
赴援降宣州觀察使又貶右千牛衛將軍分司南京居陳州卒  
年五十一紹聖元年贈武泰軍節度使初謚敏恪改忠敏憲以  
中人為將雖能拓地降敵而罔上害民終貽患中國云  
宋用臣字正卿開封人為人有精思疆力以父蔭隸職內省神  
宗建東西府築京城建尚書省起太學立原廟導洛通汴凡大



工役悉董其事性敏給善傳詔令故多訪以外事同列悉藉以進  
朝士之乏廉節者往往諂附之權勢震赫一時積勞至登州防  
禦使加宣政使元祐初言者論其罪降為皇城使謫監滁州太  
平州酒稅四年主管靈僊觀紹聖初召為內侍押班進瀛州刺  
史徽宗即位遷蔡州觀察使入內副都知為永泰陵脩奉鈐轄  
卒陵下贈安化軍節度使謚僖敏謚議謂用臣為廣平宋公有  
天子念公之勞久徙于外之語豐稷論奏以為凡稱公者皆須  
耆宿大臣與鄉黨有德之士其曰念公之勞久徙于外斯乃古  
周公之事於用臣非所宜言也止令賜謚論者是之謚

王中正字希烈開封人因父任補入內黃門遷赴延福宮學詩  
書曆冀仁宗嘉其才命置左右慶曆衛士之變中正援弓矢即  
殿西督捕射賊悉就擒時年甫十八人頗壯之遷東頭供奉官  
歷幹當禦藥院殿延環慶路公事分治河東邊事破西人有功  
帶御器械神宗將復熙河命之規度還言熙河譬乳虎抱玉乘  
爪牙未備可取也遂從王韶入熙河治城壁守具以功遷作坊  
使嘉州團練使擢內侍押班吐蕃圍茂州詔率陝西兵援之圍  
解自石泉至茂州謂之隴東路土田肥美西羌據有之中正不  
能討乃因吐蕃入寇言其路經靜州等族榛僻不通邇年商旅



稍徃來故外蕃因以乘間縣至綿興茂道里均而龍安有都巡  
檢緩急可倚伏請割石泉隸綿而窒其故道漫之隴東遂不可  
得還使熙河經畫鬼章進昭宣使入內副都知元豐初提舉教畿  
縣保甲將兵捕賊盜巡檢獻民兵伍保法請於村疇及縣以時  
閱習悉行其言復徃廊延環慶經制邊事詔凡所湏用度令兩  
路取給無限多寡既行又稱面受詔所過募禁兵願從者將之  
至者不敢違問罪西夏以中正簽書涇原路經畧司事詔五路  
之師皆會靈州中正失期糧道不繼士卒多死命權分屯廊延  
並邊城若以俟後舉自請罷省職遷金州觀察使提舉西太一

宮坐前敗貶秩元祐初言者再論其將王師二十萬公違詔書  
之罪劉摯比中正與李憲宋用臣石得一為四凶又貶秩兩等  
久之提舉崇福宮紹聖初復嘉州團練使卒年七十一

石得一開封人為內侍黃門累官內殿承制神宗時帶御器械  
管幹龍圖天章寶文閣皇城司四遷入內副都知元祐初領成  
州團練使罷內省職御史劉摯言得一頃莞皇城恣其殘刻縱  
遣邏者所在暴布張竄設網以無為有以虐為寔朝廷大吏及  
富家小人飛語朝上暮入控犴上下惴恐不能自保至相顧以  
目者殆十年坐降左藏庫使卒紹聖中贈隨州觀察使



論曰夫開邊釁作威福人臣之大戒而王法所必繩者也神  
宗銳志啓疆遂以將權委之閹宦而李憲王中正攘臂師中  
藉口受詔恣意驛騷靈州之會並以觀望失期罪在周赦矣  
用臣得一威福自擅論者目為回凶而卒免於竄強此宋之  
弊也終於不競也閹宦如呂惠卿如王中正皆其類也  
其弊一開持人者必出黃門黑宦以強者皆陳希範李承  
及之弊舉其甚者皆閹宦也其弊一開持人者必出黃門黑  
之罪權皆以中王與李憲王中正皆其類也其弊一開持人  
言也皆其類也其弊一開持人者必出黃門黑宦以強者皆

王守規 馮世寧 李繼和 蘇利涉  
守規真定樂城人入內都知守忠之弟也守忠事真宗謹慮  
慎密眷遇最厚明道時守規為小黃門禁中夜半火守規先覺  
自寢殿至後苑皆擊去其鎖乃奉仁宗及皇太后至延福宮回  
視所經處已成煨燼翌日執政候起居帝曰非王守規導朕至  
此幾不與卿等相見以功遷入內殿頭選治京城水決汴河于  
公賈村決蔡河于西里橋水患以息加帶御器械積官至宣慶  
使康州防禦使內侍右班副都知卒年六十七贈昭武將軍留  
後世



馮世寧字靜之以入內黃門累遷昭宣使忠州團練使入內押  
班楊國公主寢疾哲宗欲夜出問訊世寧執言不可帝雖微忤  
卒為之改容再遷景福殿使明州觀察使至副都知崇寧新宮  
名世寧首知入內內侍省事禁中夜火使宿衛士撲滅之既定令  
自他途出蓋不欲使知宮省曲折也徽宗賞歎進感德軍留後  
政和初以內客省使彰化軍留後致仕世寧出入禁闈六十年  
循謹無過卒年六十七贈開封府儀同三司謚曰恭節

李繼和開封人以父任為內侍黃門慶曆中為河北西路承受  
保州兵叛塞城門距守官軍重圍之不得入繼和獨上南關門  
密呼所結內應者諭以禍福衆言俟李昭亮至即斬關自歸已  
而果然賊平遷兩秩王則反貝州為城下走馬承受沙苑關馬  
詔秦州置場以券市之繼和領職不數月得馬千數而人不擾  
舊制內侍入仕三十年始得磨勘至是乃令以勞進官者無拘  
於年環州弓箭手歲時給酒州將不與旅誼訴亟闔府門不敢出  
繼和步入衆中譬曉之曰汝曾為一杯酒遂喪軀命予衆悟散  
去事聞擢帶御器械累遷宣慶使文州團練使入內副都知卒  
子漫善援例求贈官神宗曰此獎事也繼和無軍功何必贈自  
是為定制云



蘇利涉字公濟祖保遷自廣州以閩人從劉鋹入朝利涉初為  
入內內品慶曆中衛士之變以護衛有勞賞激加等英宗為皇  
子利涉給事東宮及即位遷東頭供奉官欲以為穎王府都監  
力辭幹當御藥院遷供備庫使帝不豫侍醫藥最勤言輒流涕  
及帝崩乞與醫官同貶三上表待罪不許神宗即位授遠州刺  
史歷內侍押班副都知轉海州團練使僊韶院火營救甚力賜  
襲衣金帶率年六十四贈奉國軍節度使謚曰勤僖利涉嘗幹  
當皇城洞循故事廟卒邏報不皆以聞後石得一代之事無巨  
細悉以奏往往有緣飛語受禍者人始以利涉為賢聞自稱曰

論曰王守規等救災弭變功皆足錄而李繼和以未立軍功  
獨靳其贈靳之誠是也而以無軍功靳則非矣夫中官也何  
必有軍功如以功論則下保州之城定環州之謀者獨不得  
比於軍功也邪蓋神宗志勤遠畧微開邊決戰即不以軍功  
見錄耳其後童貫卒以討賊疏王爵則神宗一言貽之禍哉







詰厲聲曰天文變異爾職也當言國大事於爾曹何預而妄言  
可斬也司天官怖失錯謝罪死彥博直視者久之徐少霽曰吾  
觀汝真庸妄人耳未忍遽法汝自今謹勿為此矣叱之去既而  
遣司天官詣六塔相河道即遣上言者往繼隆白不可彥博曰  
彼本何敢妄言有教之者再繼隆矍然不敢對而其人至六塔  
恐得罪還更言六塔在京東北非正北不害當是時京師業業  
賴彥博而定

宋論曰昭陵偶疾皇儲未定中外洶洶微文潞公者殆矣然當  
是時宰相之力猶能制馭內臣陵夷至於建中靖國則狐馮  
而虎噬莫有撓之者矣



... 以... 職也... 言... 國... 事... 於...  
... 司... 天... 官... 訪... 之... 極... 相... 河... 通... 即... 隨... 上... 言... 者... 往... 雖... 亦... 不... 可... 為... 情...  
... 故... 事... 何... 敢... 言... 有... 教... 之... 者... 再... 繼... 隨... 變... 然... 不... 敢... 對... 而... 其... 人... 至... 大... 容...  
... 恐... 得... 罪... 遂... 受... 言... 之... 塔... 在... 京... 東... 北... 非... 正... 北... 不... 宜... 當... 是... 時... 宜... 師... 崇... 素...  
... 翰... 亦... 博... 也...  
... 文... 公... 者... 殆... 矣... 世... 常...  
... 建... 中... 靖... 州... 家... 也...

... 莫... 有... 野... 之... 奇... 美... 以... 內... 外... 建... 中... 靖... 州... 家... 也...





